

Inatsisartut suleriaasianni § 37 imm. 1 naapertorlugu Naalackersuisunut apeqquteqaat imaattoq matumuuna saqqummiuppara.

Naalackersuisunut apeqquteqaat:

- 1) Sooruna "Royal Greenland Seafood A/S" Kalaallit Nunaanniigani Danmarkimi najugaqartoq? *Uani tunngavilersuutaasimasoq akeqquneqarpoq.*
- 2) Royal Greenland suliffeqarfissuup ukioq 2021-mi tuneriaannaasunik qanoq annertutigisumik tunisaqarfiit ukunani tunisaqarpa
 - a. Danmarkimi?
 - b. Nunarsuup sinnerani, Danmark minillugu?
Uani nalingi assigisaallu akeqquneqarput, apeqquutilu ersarissumik paasiuminartumillu akineqarsinnaanngippata tamassuma ersarissumik nassuaateqarnissaa piumasarineqarpoq.
- 3) Royal Greenland allaffeqarfia/allaffeqarfii, qanoq amerlatigisunik ataavartunik sulisartoqartigaat
 - a. Svenstrupimittut eqqaanilu (Danmark)?
 - b. Nuummi eqqaanilu (Kalaallit Nunaat)?
"Svenstrup eqqaalu" pineqarpoq nalinginnaasumik sumiiffiit eqqaaniittut paasineqarsinnaasut, ilanngullugu Hellebarden 7, 9230 Svenstrup J, Aalborg, eqqaamiuilu. "Nuummi eqqaanilu" ilanngullugit pineqarput Qasapi 4, 3900 Nuuk illoqarfik, sumiiffiillu qanittut.
- 4) Sooruna ilaatigut "Royal Greenland Norway AS", "Royal Greenland Germany GmbH", "Royal Greenland Sweden AB", assigisaallu nunanut allanut tunngarpalullutik suliffeqarfiit Svenstrupimi (Danmark) najugartinneqartut, Kalaallit Nunaanniigatik? *Taamatut aalajangiisimanermut tunngavilersuutigineqarsimasut itisilerlugit nassuaassisoqarnissaa piumasarineqarpoq.*
- 5) Royal Greenland-ip suliffeqarfissua suna tunngavigilersuutigalugu Nuummi, Kalaallit Nunaani "qullersaqarfeqarluni" oqarsinnaatitaava, ilaatigut § 37 apeqquteqaat 2023-43 akissutigineqarnera malillugu? *Uani ilaatigut apeqqutigineqarsimasut qulaaniittut eqqarsaatigalugit suna tunngavigerpiarlugu "qullersaqarfittut" taaneqarsinnaanera akeqquneqarpoq, tassanngalu "qullersaqarfiusinnaaneq" qanorpiaq piumasaqaateqarnersoq.*
- 6) Inuiaqatitsinnik nunatsinneersunik sulisoqarnikkut, aamma pisortaqarniarnikkut atorfilersuinerunissaq anguniarlugu, Royal Greenland suliffeqarfik tamani iliuusissaminik qanoq pilersaarusiornikuua? *Anguniakkat pineqartut qaqugu anguneqassaneranut piffissalikkamik saqqummioqquneqarput, ersarissumillu anguniagaqarsimannikkaanni iliuusissioroqarsimannngippallu tamassuma amigaataaneranut nassuaasoqarnissaa piumasarineqarpoq.*

- 7) Inuiaqatigiit suliffeqarfiutaat Royal Greenland Kalaallit Nunaanni aallaaveqarnerulernissaanik qanoq piginnittut, tassannga Naalakkersuisut siulittaasuat (takuuk § 37, 2023-43), takorluugarpat? *Tassannga "aktivt ejerskab", iliuusissallu anguniakkat assingusut malillugit, inuiaqatigiit kalaallit inissisimaffiit pingaarnernut innissinnerunissaq eqqarsaatigalugit.*

(Inatsisartunut ilaasortaq Lars Poulsen, Siumut)

Tungavilersuut:

Siuliani aakissutigineqartut aallaavigalugit apeqquteqaqqinnissaq pissusissamisuulerpoq.

Apeqqutigineqartut nutsersimeneri nalornissutigineqassappata kalaallisut allaqqasortaa aallaavigineqassaaq. Apeqqutigineqartut ullut suliffiusut qulit (10) iluanni akeqquneqarput.